



FONDACIJA
ZA BIBLIOTEČKU
DJELATNOST
SARAJEVO

Na osnovu člana 8. Statuta Fondacije za bibliotečku djelatnost V broj: 539/08, br. 02-111/09 i 02-178/09, Upravni odbor Fondacije za bibliotečku djelatnost, na 66. sjednici održanoj 9. 12. 2013. godine, donio je

P R A V I L N I K
o reprezentaciji i poklonima

Član 1.

Ovim Pravilnikom uređuje se svrha i način korištenja budžetskih sredstava namijenjenih za reprezentaciju i poklone u Fondaciji za bibliotečku djelatnost (u daljem tekstu: Fondacija).

Član 2.

Pod reprezentacijom se, u smislu ovog Pravilnika, podrazumijeva snošenje troškova za pića koja se konzumiraju tokom sjednica i radnih sastanaka Fondacije (interna reprezentacija), kao i za konzumaciju tokom susreta sa poslovnim partnerima i delegacijama u cilju održavanja poslovnih odnosa (eksterna reprezentacija).

Pod poklonima se, u smislu ovog Pravilnika, podrazumijeva snošenje troškova nabavke prigodnih poklona koji se uručuju gostima i dužnosnicima prilikom posjeta i sastanaka, kao i poklona za službenike i članove Upravnog odbora prilikom odlaska u penziju ili na novu radnu dužnost, te povodom smrtnog slučaja.

Član 3.

Interna reprezentacija odnosi se na upotrebu sredstava reprezentacije za konzumaciju toplih napitaka i bezalkoholnih pića tokom redovnih sjednica i radnih sastanaka i odnosi se na narudžbe iz bifea Službe za zajedničke poslove organa i tijela Federacije BiH koji djeluje u prostorijama Federalnog ministarstva kulture i sporta.

Eksterna reprezentacija odnosi se na upotrebu sredstava reprezentacije za konzumaciju izvan prostorija Fondacije i prilikom sastanaka i prijema predstavnika institucija i organizacija – poslovnih partnera Fondacije.

Korištenje eksterne reprezentacije mora biti primjereno i razumno i vrši se putem narudžbenice koja obavezno sadrži naziv davaoca usluge, vrstu i količinu usluge i koju odobrava predsjednik Upravnog odbora.

Član 4.

Sredstva za reprezentaciju i poklone utvrđuju se u okviru pozicije „Servisiranje poslova Fondacije“ *Odlukom o usvajanju programa utroška sredstava sa kriterijima raspodjele sredstava sa pozicije "Transfer Fondaciji za bibliotečku djelatnost" utvrđenih Budžetom Federacije Bosne i Hercegovine federalnom ministarstvu kulture i sporta - federalnom ministarstvu kulture i sporta* za tekuću godinu.

Sredstvima iz stava 1. ovog člana raspolaže Predsjednik Upravnog odbora, do visine sredstava predviđenih Programom utroška sredstava Fondacije za tekuću godinu, i osobe koje on za to ovlasti.

Član 5.

Sredstva za poklone iz člana 2. stav. 2. ovog Pravilnika ostvaruju se putem narudžbenice koju odobrava predsjednik Upravnog odbora.

Član 6.

Svaka reprezentacija i nabavka poklona mora se opravdati računom za robu i/ili uslugu.

Prilikom korištenja sredstava za eksternu reprezentaciju uz račun se prilaže i kratak pismeni izvještaj o svrsi korištenja sredstava, dok se za nabavku poklona uz račun prilaže odluka sa kratkim obrazloženjem.

Član 7.

Evidenciju o sredstvima utrošenim na reprezentaciju i poklone vodi osoba zadužena za vođenje finansijskih i računovodstvenih poslova.

Izvještaj o utrošku sredstava za reprezentaciju i poklone je sastavni dio izvještaja o utrošku sredstava Fondacije za tekuću godinu.

Član 8.

Ovaj Pravilnik stupa na snagu danom donošenja i primjenjivat će se od 1. 1. 2014. godine.

Broj: 02-117/13
Sarajevo, 9. 12. 2013. godine

PREDSJEDNIK
UPRAVNOG ODBORA

Miro Petrović

Na osnovu člana 8. Statuta Fondacije za bibliotečku djelatnost V broj: 539/08, br. 02-111/09 i 02-178/09, Upravni odbor Fondacije za bibliotečku djelatnost, na 31. sjednici održanoj 23. 4. 2019. godine, donosi

**PRAVILNIK
O IZMJENI I DOPUNI
PRAVILNIKA O REPREZENTACIJI I POKLONIMA**

Član 1.

U Pravilniku o reprezentaciji i poklonima Fondacije za bibliotečku djelatnost broj: 02-117/13 od 9. 12. 2013. godine, u članu 4. stav (2) mijenja se i glasi:

„Sredstvima iz stava 1. ovog člana raspolaže Predsjednik Upravnog odbora i osobe koje on za to ovlasti, u maksimalnim iznosima kako slijedi:

- 50,00 KM za mjesečne troškove interne reprezentacije i
- 1.500,00 KM za godišnje troškove eksterne reprezentacije.“

Član 2.

U članu 4. iza stava (2) dodaje se novi stav (3) koji glasi:

„(3) U slučaju da osobe ovlaštena od strane Predsjednika Upravnog odbora za korištenje sredstava reprezentacije prekorače dozvoljeni limit, dužne su dostaviti pismeni izvještaj o prekoračenju, na osnovu kojeg će Predsjednik Upravnog odbora procijeniti da li je prekoračenje opravdano ili je osoba dužna nadoknaditi prekoračeni iznos sredstava.“

Član 3.

Ovaj Pravilnik stupa na snagu danom donošenja.

Broj: 1-01-1-38/19
Sarajevo, 23. 4. 2019. godine

PREDSJEDNIK
UPRAVNOG ODBORA

Edin Kukavica